

**LEOPOLDI
ANDREAE
GUADAGNI IN
ILLUSTRI
ACADEMIA...**

Leopoldo Andrea Guadagni





ORATIO



Uam pridem, Clarissimo Viro
ad summum sui Ordinis pie-
tas, & doctrina conspicui fa-
sigum extitit, Praeful Am-
plissimè, doctissimi Pater, Auditores humanissi-
mi, vacationem quoque obvenientibus ipi, qui hoc
læto, atque auspice die, quo studia veritatis
anni inchoamus, orationem habere poterant ele-
gantissimam, summa Auctoritate mihi inposcibam
ex imperato esse munus hodierna celebritate ver-
ba ex hoc amplissimo loco faciendâ, acutum te-
nuitatis suae confertim ex statim subit cogitatio,
quæ sane ab ipso adgrediendo munere plurimum
deterrere, & dubium, atque hæsitantem in va-
rias, diversasque partes trahere videbatur. Obser-
vabantur pæne oculis summi Viri omnis doctri-
nae, atque eruditionis principes, qui denique etiam
gestes, nationisque discipulis omnibus excultas



non

non gloria modo, & splendore nominis sui, veram administratione compleverunt, iidem, qui vel nostra, vel patrum memoria hoc ipso fere die, in hoc bonarum artium theatro, ex hoc ipso saggestu anniversarij sapientiae laudibus consecratam habuere conscientem. Audiebam propemodum Bugari, Balengeri, Chamentalij, Gronovij, Averatiorum, Fulmij, Carlinij, aliorumque sanctorum vocibus Divinae, humanaeque sapientiae indicibus hos ipsos parietes personare. Quid unquam est, quod vel ad sapientiae laudes celebrandas, vel ad cohortandos ad studia litterarum, Libellinos Adolescentes pertinet, quod illi intempestum reliquerint, immo quod exquisito dicendi genere non sint prosecuti? Quamquam vero haec cunctis, quae tacitus dissimulare nullo modo possum, sollicita cogitatione complecterer, planeque sentirem quid sit, summis praesentibus Viris ex eo loco dicere, in quo Graecae, Latinaeque dicendi Facultatis, & cupiam non leviter impetita vestigia cernuatur, facile vixem intelligebam, juxta mihi, fasque non esse, manus hoc conrectare, simulque non gram nescius, fore, ut dicendo quidem in varias reprehensiones incurrerem, taceo atiam crimen admitterem. Neque idcirco quadam veluti vi, ac necessitate adducebar,

lar, ut litterarum laudes, quæ nullius aperi
eloquentia posse videretur, bene sententiarum,
copiæ recentium. Lucet ipse per se præclarif-
icæ disciplinæ, fide, tanquæ paret eorum di-
gnitas, amplitudo, majestas, quæ vel ab iustis,
& hebetioribus laudem, & admirationem extor-
quet, ut opus minime sit, quæ illustretur, terret,
& incerta luce orationis: Nisi quis forte obiectum
sibi velit, quod Lacedæmoniam Antalcidam,
quam Hercules encomium Sophista quidam esset
recitaturus, dixisse Plutarchus (1) tradit, qui
nempe eam vituperat? Quamobrem in tanto
disciplinarum splendore, quæque ipsis post eorum
inspirationem per unum, & alterum senæ sa-
culum accessit, futurum operæ pretium censet,
non tam hortari eos, qui sapientiam sibi com-
parare studeant, quàm admonere; non tam curare,
ut ipsi bonarum artium ardore sua sponte exars-
ti magis, magisque inflammentur, quam subve-
neri, ne subsidia, quæ ad ipsas comparandas hæc
æetate plurima suppetunt, eos ad mentem quod-
ammodo adducant. Hoc igitur vobis, Adoleſcen-
tes, carissimum esse ostendam, ne adjuvantes ipsa

✽) doctrinæ,

(1) In *Apophthegm. Periochæ, de Septem. Træ.* l. Oper. pag. 101.
Eden. Lat. Paris. in 1614 & in Apophthegm. Lat. novæ, pag. 117.

doctrinae, animorum ardorem, & aciem illam, quem adhibitis, impetum sensim resedent, immittunt, extinguunt: quod dum praestare conabor, Auditores, queso, potentes, & aequi aures quam attentissime praebentis.

Ac ne incerta dea vagetur oratio, huc in primis litterarum subsidia appello, Versuumque copiam, quae veteres, Graecos praesertim, Aethere non latino tantum sermone, sed hoc nostro versaculo representare videtur: discipulos quosdam, quae veluti instrumentorum vicem obtinent, multitudinem librorum: brevia docendi compendia: vitam denique Magistrorum vocem, quam habere nescio quid laeva, & in aures discipulorum de auctoris ore transfusam sonant resonare, haud immoito scripsit doctissimus nostrae Religionis Interpret Hieronymus. [1] Omnia haec veluti doctrinae adminicula, haec adiumenti botargem artum, haec ad augendas disciplinarum vires oblata praesidia, has omnes universae Encyclopaediae mole sui laboranti suppetit non si ego sum, qui despiciam, quas nempe laevis indiscriminatus unquam contemneret. immo vero,

[1] In Epist. ad Paulinum.

vero, modo rectè se habeant, maximeque etiam
commendo, quam faciem quasi praeferant opti-
marum facultatem studiis, atque hoc, tamque
solidis bene votiscom altam sit, Adolescentes,
qui si ipse carerent, commodior vobis pendendi
ratio, ac via prorsus intercederetur. Eius vero
quae hanc, ac sapienter excogitata sunt, quae
mulus, magnisque laboribus conquies, quae ad
virtutem, vel ad sapientiam consequendum in-
voca praedare, fidem sapientum est, ut
quomodo vasa, & impedimenta atque,
utiles, ac peritus necessaria, militibus copiis,
ita haec litterarum studio non modo maiorem
gloriae fructum intercipiant, sed ipse agendi spe
deturbatis magno sint detrimento. Palaestricæ
quondam, atque gymnasticæ exercitationes ad
militarem peritiam, & bellicam virtutem adfi-
quendam excogitatae fuerunt, [1] ut circum-
corpora frequentibus laboribus confirmata patriae
munimento, suisq; studio, hostibus terror esse,
possent. [4] Gymnasticam ideo cum Plato [3]

✻ 4

saepè,

[1] Plato de Legib. Dial. 2.

[4] Cic. Tusculan. lib. 2. Quintil. Inst. Orat. lib. 2. et

[3] de Praeceptor. de Rep. Dial. 2. et de Legib. Dial.

saepe, cum Aristoteles, [6] atque veteres [7] miram in modum commendarent, ac pagilatam, lectam, & cursam rei militaris simulacra, & meditationes esse, atque ideo in ipi tribus recensendis eundem semper ordinem ab Homero servatum gravi in primis auctor custodivit Plutarchus, [8] quod praestantissimum illud sit fides, & cavere, alteram impellere se mutuo, & stare, tertiam vero fugam adipisci, si vincantur, aut inflectam si vincant. Verum, quae hominum perversitas est, Graecorum filij omnia suum studium a militari virtute ad iuulci exercitationis transulcrunt, Edo illi Talamo haud longe absentes, qui quum ab oraculo accepisset, si quaque praestantissima certaminibus victorem futuram, Pythiae verba non ad vera proba, sed ad quinquarium in Olympicos ludis perperam referebat. [9] Itaque positi adeo negari Graecia belli coepit, & in vitium fortuna labier aqua, [10] ut ipsi pro strenuis milibus se bo-

201

[6] *Politiæ*, lib. 8. cap. 4.

[7] *Strabo* apud *Astrucum* *Deipn.* lib. 14. *Strabo* apud *Plutarchum* *De*, 12. de *adulter.* & *de* *de*.

[8] *Compend.* *Geogr.* lib. 2. *Geogr.* 2. pag. 697.

[9] *Plutarch.* de *Caesare*. *Plutarch.* in *Laetio* cap. 12.

[10] *Hom.* lib. 2. *Illi* 10. & 11.

nos Paleſtritas dici mallent, [11] *Æmipionicas*, Tullio teſte, [12] prope maximam gloriam conſequentes conferrent, quàm ij, qui Romæ triumphaffent: victores Athletæ ad Deos æternorum domos evectæ, atque, ut eſt apud Lucianum, [13] Dijs ipſis æquarent. Acque hæc exercitationibus ad bellicam virtutem comparandam inventis uſuveniffe, compertum eſt. Quid in ipſ, quæ vel ad ſapientiam, vel ad ſocietatem dicendi ercolendam iſtæntiæ præmium fuerunt? Inventæ Philoſophicæ Diſputationes, ut homines ratiocinando veritatem in profundo latentem inquirerent, & Philoſophia a rebus occultis, & ab ipſa Natura involutus ad mores componendos a Socrate quondam translata. [14] Quid porò a veritate inquirenda homines longius abducat, quàm Chryſippi, aliorumque Stoicorum laquei, [15] & contentioſa rabies, diſputationeſque Megareorum pugnaces? [16] Quid, ut animadvertit Var-

10.

[11] *Allegand. ab Alro. Com. dicit. lib. 2. cap. 17.*

[12] *Orat. per L. Plaut.*

[13] *In Anachorſt. de de Grammaticis.*

[14] *Com. Academicæ Diſput. lib. 2. Salutar. Apollin. in Epistol. Philon. de Academicis, Com. 17.*

[15] *Com. de Gram. lib. 1. & de Pace. Gell. Noct. Attic. lib. 1. cap. 2.*

[16] *Lucr. lib. 2. de Trachitis.*

ro, [17] tam infandum formis atque, quod
 olim non aliquis dixerit veterum Philosophorum?
 Iuventae sive a Demetrio Phalereo [18] Temo-
 phrastis discipulo, [19] sive circa ipsius Deme-
 trij tempora ab alio quovis, [20] inventae ad
 conservandam, augendamque dicendi facilitatem
 Declamationes, pertractatae frequenter exercita-
 tionis causa fuerunt nulli defunctorum personis, vel
 temporibus Thales: [21] eodem comparandae,
 tuendaeque eloquentiae studio fore numquam in-
 termittas Cicero in agro Quillae, [22] Seneca
 Rhetoris tempore Controversiae. [23] Quid ve-
 ro magis, quam assiduum declamandi, earumque
 exercitationum usus eloquentiae vires integras? [24]
 Sed quid exemplis te remitte debui vix non
 necessarijs? Nihil est tam sapienter avocatum,
 nihil tam utile, tam sanctum, quod vel ignavia
 pessumdare, vel stulticia labefasciat, vel audacia

-
- [17] *Facto Eurymed. apud Nonnum Marcianum, pag. B. + G. 11.*
Edm. Plinius in 1585.
 [18] *Quintil. Inst. Orat. lib. 2. cap. 4. in fine.*
 [19] *Cic. lib. 1. de Orat. in prim. Latine. lib. 5. in Demetrio.*
 [20] *Quintil. Inst. Orat.*
 [21] *Nonnum. de Clar. Rhet. in prim.*
 [22] *Cic. in Brut. & Epistol. ad familiam. lib. 9. Epist. 15.*
lib. 15. Epist. 26.
 [23] *Seneca in Translat. Controv.*
 [24] *Afflic. Inst. in Grammat.*

in perniciem convertere non dubitaverit. Jam si rei militari, si vernacis contemplanti, si morum disciplinae, si eloquentiae, hominum vitio quondam accidit, ut eadem ipsae nocerent, quas ad confirmanda corpora, quas ad verum intelligendum, quas ad adsequendum finem bonorum, quas ad ornate, copiose dicendum comparare erant rationes, ipseque, Adolescentes, paulatim subrepente disciplinae radio, & magis, magisque otij dulcedine blandiente, hec periculosissima sine quaesito habens doctrinae subsidia, nullum tamen creare posse periculum, ne adjuvmenta ipsi concessi a majoribus exstantibus laudibus abducantur, & ea praetermissis incuti, quas vos possent amplissima sapientiae opibus locupletare? Quid ni potuit ex aliis malis utilitas vobis capienda sit Platonis exemplo, [25] qui quum in aliquis sculo, vel dicto vitium, animadvertisset, nunquid & ego talis apert? Quid ni Plutarcho, [26] hoc est crudelissimo Philotopiorum parentis bene, & salubriter admonenti, ut quae alijs in caussa agrotandi fuerunt, audientes, ea discamus cavere, ne in eandem,

quo

[25.] Plutarchus *Preceptis de curanda finis*, pag. 229.
 [26.] Plutarchus *laud. boni*.

quo ipsi laborant, morbum & nos incidamus? Verum ne qui patet adolescentibus optimus magno animi ardore ad sapientiam concendentibus, qui non voluptatam illecebri, sed veritatem amorem docentur, nihil esse metuendum, ad quod poterit alligari, nihil reprobandum, quod ipsorum cursu a retardet, hoc praestitum aciat, quae solentiam veterum, ingeniumque in comparanda doctrinae praefidia non acquavit modo, sed etiam longe, lanque superavit: peropportunitatem enim propriam inspicere, & expendere diligenter, quoniam sit ea pericula, quae praecavenda esse adfirmamus.

Nulla fore extant Graecorum veterum scripta, quae non dico a mediocriter eruditis humanis, inter quos nunc est, qui in his translationibus non saepe claudunt, verum a doctissimi etiam viri in latinum sermonem conversi non sint. Serpit ideo, & malo literarum fato in dies intercrebescit quorundam opinio non modo humanioribus sed et iuribus, sed etiam praecellens disciplina periculosa, manem esse, & supervacuum operam, quae in Graecae Linguae studio impenditur. Quod refert, inquit, eandem sententiam uno, an altero, Auctorum perito, an notantur Interpretum sermone expellam

proflum circumferri? Non verba, sed res ipsas
querimus, non de vocibus, sed de optimis dis-
ciplinis disputantes. Desipiunt qui existimant, si
vel unam aliquam voculam interpret vel pro ac-
tuario peritus omiserit, vel minus recte reddide-
rit, fore, ut scriptoris alicujus sententia perinde
corruat, ac si ex aedificio columnam, aliamve
substructionem forte amoverit, ac subtraheret.
Stupidus plane, atque bardus apud Platonem [17]
Socrates, qui nomen disciplinam haud par-
vam rem esse deplacuit, & modus inter Her-
mogenem, & Cratylum de recta nominum ra-
tione copiose differit. Negas Jurisconsulti agere,
qui in perfectissima singularum vocum vi, ac
proprietas multi sunt, & aditus, qui una cum
Socrate ad syllabarum distinctiones, & conjun-
ctionem, & praepositionum proprietates descen-
dunt, & Grammaticis quodammodo invident [18]
qui demum prope in lingulis litescent, atque inter-
punctionibus verborum occupati sunt. (19) Nec
providi, qui maximum hunc esse quaestum dui-
mus, brevi, & expedita ratione, magnoque tem-
poris compendio, quaecumque Graecae opes, & lu-
pae

[17] In Cratyl.

[18] Socrus ad Arist. metaph. 88.

[19] Cui pro Le Alarum.

pias in Latio comparare. Nos profecto sapientes, quibus non frondes, ac folia, sed solides, maturosque fructus decerpere, & acervatum cogere, consilium fuit. Quae dum ita afferuntur, avocantur proinde a Graecis fontibus legitimum juvenet, quibus, ac hujusmodi vocibus obsecundent, ne parum casti inducantur in fraudem praecavendam omnino est. Nisi forte insulsum, atque ineptam Marlyae ediculis strepitum, hoc est vulgi opinionem praefereendam esse existiment suavisimum Apollinis carminibus, hoc est sapientissimorum hominum consiliis, Melchioru Cani, (30) qui Theologiae studio addictis, Antoni Augustini, (31) qui Jurisprudentiae adperten- tibus, Mercuriali soliti, qui exemplo suo Medi- cine cultoribus Graecae Linguae studium ma- ximopere commendarunt, aliorumque etiam, plurimum, qui post edus jam tot versiones Pri- neae, (32) nempe justissimam ejusdem Linguae causam nuntur. Ac profecto etiam si ultro da- remus, quod raro quidem concedi potest, inter- pretem aliquem Auctoris mentem tempest adle- quutum fuisse, nunquam dubitantes vere ca-

men

[30] *De Prim. Theolog. lib. 2. cap. 17.*
 [31] *Præfatus lib. 1. cap. 1.*
 [32] *Latro. lib. 1. de Latro.*

men affirmari posset, planeque ostendi, quædam sæpe in versionibus usurpata esse, quæ ancipitem deliberandi curam relinquunt, ut ipsæ autem Græco fœte minime omnium ambigua, sunt: non pauci reperiri, quæ licet Latine expressa, nisi Græcam originem repetamus, viæ, ac ne viæ quidem percipi, deprehendique possunt: pleraque a diversis diversè translata, idcirco, ut Hieronymi verbis utar, (33) magis crebunt ignorantes, quæ e multis verus discit: innumera, denique haberi, de quibus tuto iudicare, & ex ipso ab omni pœcul hæsitante certis docere conclusiones non licet, quæ vi argumentorum, sæpe tota pendet ab ipsius lingue usu, & innata proprietate verborum. Quid? quod aperte Quintilianus, (34) non omnia, inquit, nos docentes ex Græco sequuntur, sicut ne ipsi quidem, quoniam suis utique verbis signare nostra voluerunt? Quid Cælius? (35) nonne ait, Græca rerum vocabula non paucissima esse, quæ neque singulis verbis, neque si maxime pluribus eas res verbis dicamus, tam elucidari, tamque apte demonstra-

—

[33] *Ad Lucanum, de Regibus, de Eodem, de Heliodoro, de Lucio.*

[34] *Ips. C. 1. lib. 2. cap. 14.*

[35] *Ibid. de re. lib. 2. cap. 2. lib. 12. cap. 26.*

si Latina sententia possunt, quam Graeci ea dicunt privis vocibus? Quid de sacris Codicibus veteris Ecclesiae Patres? Nunc Hieronymus, (16) Hilarius, (17) Ambrosius, (18) una mensura, unaque voce testantur, Latine sermonem plenam Graecae Interea intelligentem non reddere, Latinos non posse in omnibus viti Graeci sermonis exprimere? Exempli, quae in hac re non adferre parum possem, supercedo, quam ea, forte, quae haecenus dicta sunt, sine evincere posse videntur, ne versionum subsidia a Graecae Linguae studio avertant, ne nos verbis ipsis omnino committamus, ne fiduciam omnem in ipsi collocemus.

Sed jam ad eas Facultates accedo, quae magis ceteris disciplinis adferre praesidium valent: non omnes tamen, verum duas tantum adtingam, quae praecellentissimae quidem sunt, sed periculis longe plenissimae videntur, quarum alteram invenerunt Philosophi, ut humanas non solum, in rebus singulis immorarentur, sed universalem contemplari condiscent, certamque in cogitando

(16) In Commentar. ad Epist. ad Ephes. et ad Rom. n. ad Cor. p. 100.

(17) In Epistola ad Pictor. p. 100. in hunc.

(18) In Epistola ad Pictor. p. 100.

do ordinem servarent : alteram accuratiores Grammatici traderent, ut quae genuina, quae spuris, quae sincera, quae depravata viderentur scripta, sint, quibus rationibus emendanda, quae priscorum Auctorum ubique sententia fuerit, utrum ad regulas artis, quam profitebantur, legesque rectae rationis idem scripserint, facile dignosci possit, recteque judicari.

Paratilis profecto dixerim, planeque necessarium, communes, & universales notiones a singularibus secretas diligentissime contemplari : ita certis probe constitutis effatis, praesentia erroribus vitandis praesidia parantur, & omnia in quidam veluti classes accuratissime rediverunt. Danda tamen opera est, ne inconsulte, ac temere judicemus, in singulis rebus quidpiam inesse, quod notioni, quam hactenus ab ipso animo concepimus, simile videatur ; nihilve putemus in rebus ipsis praeter id, quod in notionibus illis inspicimus. Etenim quae opinionum potentia, quae molera, quam multa, quae temerarii mentem accere videantur, cum tamen potius obtrudant, ille profecto non excitaverit, non in scenam induxerit, qui formas a se magno licet apparatu excogitatas, notionesque mente comprehensas pro rebus ipsis obtrudet, atque res ita omnino se habere

†

habere

habere existimet, non ut revera sunt, sed ut ingeniose, nimiumque fidenter con-venirent fuerit? Inveniens ideo expectetur scientiam alioquin longe utilissimam, atque, ut est apud Aristophanem, (39) ἀνθρώπων, idest per aërea incedere, videbitur, & in fumosa manente versabitur, qui in hac una disciplina, quae generalia tantum, pronuntiata proficiat, quasi tabernaculum vitae suae collocaverit, & accuratissimam rerum singularium cognitionem neglectit. Neque enim facile existimandum est, universalium contemplationem quodquam proficisci posse, nisi quae diligenter singularium rerum indolem, nisi quae pertinet ad praeteritorum memoriam temporum, ad praesentes hominum mores, nisi quae versantur in recepta consuetudine, in scriptis legibus, in artibus animadvertant, optimeque comprehendant. Quarum profecto rerum, quae in saeculo plerumque versantur, cognitione qui careat, idemque velit de iis, quae ratio sola deprehendere minime potest, universalibus tantum principii minus differere, nec ille risum, atque ludibrium vel uni sensibili hominibus debeat, non

focui

videantur, profundas, obeli confodiat, & jugulet, ut dixerim, quod apud Græcos mirari licet. Anacharxis apibus, [43] artifices cernerent, judicent vero qui minime sunt artifices? Atque utinam hac arte ipsa non fuissent umquam abusi, cumque adeo non elevarient, equas non manifeste sedem solentissimas alioquin Interpretes nonnulli, truculentos, audaces, & noxi, quorum cruentas saepe manus scindere, urere, secare, & in optatis quosque libros grassari adeo confecerunt, ut nec a Legibus quidem, nec ab Hagiographis, & Canonibus scriptis abstinuerint. Innumeris profecto hodie cerneremus assensu, (44) nec quod de Homeri Rhapsodia Arcto respondisse Timonem sciret, (45) de libris plerisque usurpatori haeret, bene ei consultum esse, qui in antiqua incidere exemplaria, non autem in ea, quae nuper sunt emendata.

Quod si metuendum maxime est, ne qui, neglecta doctrina ceteris Græcae in primis studuerint, præcipui consilio ingula exerceant pedicula,

[43] Lævi. lib. 2. in *Anacharxis*.

[44] Christophor. Richter *Vindictæ*, Juris Præmissi *deus* adversus Novam. *assensu*. Theſ. Jur. Rom. Et. *Orator*, Tom. 6.

[45] Lævi. lib. 2. in *Timon*.

dicta, assentant inani opinione superviae, quolibet vero tamquam longe infra se positos despiciant, ac se putent solos sapere, ut Homericus ille Tiresias, [46] reliquos velut umbras vagari, haud minus certe praetavendum, ac alij, qui vel nullo defectu habito plures lectitarint libros, vel in compendiaria doctrina omnem operam, ac studium collocant, semetipsos in fraudem inducant, quod omnium facillimum esse, ait Demosthenes, [47] putentque sibi maximam disciplinarum copiam comparasse, magister se circumspiciant, & leberide maiores [48] inani fastu effrauentur. Horum certe neutros veram adsequutos eruditionem crediderim, excelsam neutri obtinent doctrinarum arcem, quum illi saepe non quid verum, sed quid scriptum sit, percontentur; hi vero aut bona pleraque cursim, & peuperantes transmittant, aut venosa mala imprudenter interdum hauriant, aut saltem non ipsos fontes, sed rivulos consulantur. Atque ego quidem cum a plerisque eorum, qui lucubrations suas publici jans tulerunt, cum ab eo, qui

† 3

typo-

[46] Ovidii. *Met.* lib. 2. v. 497.

[47] Orosii. *l.*

[48] Aristoteli. *De Op. & Op. lib. 2. pag. 182. Edit. Lugd. a. 1662.*

typographicæ primus excogitavit anem, bene
possentatî consultum, minime omnium negaverim;
sed & hinc pertagna studiosi adolescentu-
bus instare pericula, necum quisque sanus fa-
tebitur. Etenim haud levis momenti negotium,
est, ut falsa quidam putant, vel non satis ani-
madvertunt, librum aliquem legendum adsumere.
Callimachum Grammaticum dicere solitum
accepimus, [49] magnum librum magno malo
esse parem: Quid ergo de ingenti, immensaque
aliorum super ista accretorum voluminibus co-
pia docendum? Primo enim in subducendis ratio-
nibus diligenter animadvertamus necesse est, quan-
tis sit, quam gravis, quam noxa pictura tem-
poris, cuius inopia nullam majorem esse, qua
laboremus, præclare agebat Strosocum princeps,
& auctor Zeno: [50] & sane si illud in versan-
dis, qui bonæ frugis expertes sunt, Codicibus
conteramus, manus deinde superent, quod in
brevis hoc vitæ curriculo in operis colloquer.
Illud subinde accedit, quod Anilippum dixisse
ferant, [51] non cum, qui multa, sed qui uni-
ta legant, sapientis nomine esse censendum. In
multas

[49] *Delevari Epist. lib. 1. in primo. pag. 74.*

[50] *Laert. lib. 2. in Zenone.*

[51] *Laert. lib. 2. in Anilippo.*

multas praeterea conspicitur difficultates qui rectum in legendis alioquin probans liber ordinem non servaverit, sed alterum alieni perturbata sermo praetulerit. Quid si in unus, uti oportebat, lectioe haud sermo immòretur, hac atque illuc se conderat, alios subinde quaerat, ac Tejo ipsi Apollineae mirabilior [32] vagetur? Nonne hic, veluti in peregrinatione vitam agentes, multa, ut scripsit Seneca, [33] hospitia habebit, nullas amicitias? Quid porro si in deteriorem aliquem incidat? an nisi optimis disciplinis ingentium antea subactum sit, vel nisi Mercurius aliquis Homericum illud Moly [34] suppeditaverit, falsis opinionibus non seruetur, malumque non potabit nullum mortalem, perniciosumque haud facile reparabilem? An non imperato cuique cavendum, ne sibi illud recte obici possit, quod a Theognisto Comico scriptum apud Athenaeum [35] reletur? Larvas didicisti, o sequens, haerens, vitam evertent tuam libri, hoc est ad insaniam redegerunt.

† 4

Jam

[32] *Artem. Digress. lib. 3. pag. 214*

[33] *de Lucis Digress. 1.*

[34] *Odys. lib. 12. vs. 305. Ovid. Metam. lib. 12. vs. 129. Flac. Buc. Pallad. lib. 13. cap. 4. & cap. 20. Pindar. in Isthmiae, Horat. pag. 66. Edit. Olney Light in 1783.*

[35] *Long. lib. 13. pag. 931.*

Jam sicuti mentem confusa, perturbataque
liberam copiam saepe distrahit, ac prout quan-
doque inficit opinionibus, ut vobis preside au-
dit sen, Adolescentes, ac facile sine docti ali-
cujus, prudentisque Viri consilio ad libri copiam
lectionem accedatis; ita ferme compendia,
quibus liquor doctrina contrahitur, impedimento
quandoque sunt, quominus vera proflus, & in-
tegra sapientiae species mentibus exhibeatur.
Quamvis enim Epitomarum ope, ad quas &
Ephemerides, quas vocant, & Lexica quaedam
referte libet, facilius, modo sint ea omnia sum-
ma diligenter, & arte conscripta, ad optimas
disciplinas aditus pateat, ac praeteris, qui alter
est compendiorum usus, res jam perceptae, sed
e memoria elapsae in eam denovo commodius re-
vocentur; in ipse tamen, quas historiarum scri-
ptores, ac tunc a Bacone [56] distat sunt, &
non sicut, ac flavi levi plerumque, & natu-
ra ad nos decedunt, quae vero maximum pos-
sides habere, omnino submergunt, sita esse sa-
pientiae operi censere, in ipse tantum versari, quid
est profecto aliud, quam leviori contentum esse
notitia rerum, eorum, ardam, conciliam, ac mi-

1000

(7) *De agere, sentire, habere, etc.* etc.

notam doctrinam partem inquirere, fontes non reperire disciplinarum, a vera, solidaque sapientia procul abesse, larvas, & simulastra persequi, tenues demum, & evanidas, voluctrique fumo simillimas umbras complecti? In compendiariis ejusmodi studiis vitam degant omnem, in ipsa confescent, quibus suus omnino est eruditionis opinionem ambire, in circuli plausum capere aliquem, ac saepe levitatem suam, quemadmodum, aiebat apud Ciceronem [37] Catulus, quamplurimos testes domestico praeconio colligere. At qui non vulgi rumusculus, sed veram sibi sapientiam proponunt, ejusmodi quidem compendia, tamquam longioris viae comites quosdam adhibeant, maxime vero ad summos appellat latices, & primaevas potissimum origines repetant. Aliud est enim, praecclare inquit Cicero, [38] esse artificem cujusdam generis, atque artis: aliud in communi vita, & vulgari hominum consuetudine non habentem, nec rudem. Neque vero audiendi illi sunt, quibus abunde esse videtur simplex quiddam ad tempus doceri, & pro re nata bibliothecae circumcursare amphora, atque

[37] De Oratore lib. 2.

[38] De Oratore lib. 2.

in librorum indicibus perreptare. Alios enim, ut probe animadvertit Mellala, [19] aliosc utimur propriis, alios commodans, longeque interesse, manifestum est, possident qui quae profert, an muretur. Ergo qui veluti majore quodam Nummi aëlate perculli ad Divinarum rerum intelligentiam omnes cogitationes sunt, atque omnia studia conferre velint, adeant quotidie Sacros tam veteris, tam novi Fœderis Codices, Pontificum, & Conciliorum Decreta, summos Ecclesiae Patres. Qui Civilis Prudentiae studio inflammantur, Justinianæ volumina, doctos etiam, quos vocant, veteres scriptores non raptem, & deis causa, non Ægyptij canis more, modoque, qui meta crocodilorum currens e Nilo bibit, non tantum ubi res possidet, sed sermo, & accurate, sed concinnè quasi tenet, ac spirita, sed nocturna versent, diurna quoque manu, quo sine studio legesque maxime præstant Jurisconsulti. Qui rerum naturalem scientiam dant operam, qui aegris medicis admoveere manus meditantur, ipsam rerum Naturam, internam humani corporis fabricam, salubrum herbarum copiam admotis oculis vestigent, propriis intueantur,

[19] Apud Aelian. Dial. de Oser.

(35)

tur, explorent. Caveant igitur adolescentes, diligenter caveant, ne utili quantumvis compendiosa, Rudorum ratione sibi ocludant penitus adyta, ne circumforaneam tantummodo notitiam veras, solidæque doctrinæ anteponant; ne satis loquentur, sapientiæ parum sibi comparent; ne opinionem copię inter caussas inopiæ esse, nimium sero cognoscant.

Aequæ hæc non ego quidem jubeo; jubet ratio, quæ apertè ostendit, multum referre, an fonte bibatur, qui sitit, an pigro, quæ stupor munda locu. [60] jubet sapientiæ, quæ procul a se arceat eum, qui nolit abditos doctrinarum recessus perlustrare; jubent Pisanæ Academiæ sapientissimi Patres, nec tantum jubent, sed opem ferunt, & vobis quotidie purissimos fontes indicant, vos ad eos adducunt, eos vobis aperiant; neque tantum publice, atque e superiore loco id præstant, sed Socratis exemplo [61] & privatum, & de plano, & ubique. Neminem severitate nimis, & Pythagoræo interdicto, [62] gravique supercilio detinent, quominus ei liceat, si quid non intellexit, percontari: necnem-

adru

[60] Horat. lib. 2. Epigr. 18.

[61] Lucr. lib. 2. in Titrat. & de Simul.

[62] Lucr. lib. 2. in Pythag. Pythagoræ in vita Pythagoræ.

aditu prohibent, neque Herodis illius Attici infirmitatem probant, qui decem tantum discipulis post publicam acriasim, ceteris dimissi omnibus, vacabat scortim, non diu quidem, sed ad cleptydram, qui prout de *ελεψιδρα* antiqua Cleptydri participes a Philostrato [63] concupantur. Non verales, ut quondam apud Aristippum, [64] atque Atheniensem, [65] sed gratitiae in hoc clarissimo disciplinarum emporio sapientiae merces exponuntur. Non una tantum, vel altera, sed quidquid est optimarum omnium Facultatum, quidquid etiam veluti partibus continetur, in hoc sapientiae domicilio, summae bonitatem Caelem FRANCISCI, Pij, Felicis, Augusti erga litteras, litteratosque homines liberalitate, ac singulari erga Pisanum Lyceum benevolentiae amplissime traditur, & exoratur. Ea quippe factum est, ut non solum quae huc olim peribant, cumque disciplinae etiam nunc maxime florent, sed superadditis etiam Astronomiae, Analyticae Mathematicae, juris Publici, Pandectarum,

[63] In nova Epistola, lib. 2. in *Prolegomena*, pag. 244. Edit. Oxon. 1797. 2. 1799. *Abbe anales Libellus*, vol. 2. in *Prolegomena* pag. 183.

[64] *Lucian*, lib. 2. in *Dialogis*.

[65] *Abbe anales Libellus*, lib. 3. pag. 122.

rum, Experimentalis Physicæ Studiis, & ampliore
Fendorum tractatione, latius adeo propaga-
tis finibus effertur. Quamobrem nisi quibus, ut
in celebri de Oracibus Dialogo habetur, vete-
ra semper in laude, præsentia in fastidio sint, aut
quibus illud adrideat, quod recte improbat Pin-
darus, (66) indigna vituperare, atque ærea Ipe
circumspicere quæ pecul abñot, immensam hoc
disciplinarum copiam suspiciunt omnes, & admi-
rantur. Nostra hæc ætas, hoc locus omnibus
proficilo subsidij, omni doctrinarum genere præ-
dit, ædit, abundat: hoc ipso tempore, in hoc
horarum artium domicilio præclara vobis offer-
tur, Adolescentes, occasio proficendi, vos ad stu-
dium omnigenæ eruditionis aperta discendi ratio
adicit adeo, atque invitat, ut quæ summi Viri
diuturno studio, plurimo labore, multis vigilijs
excogitarunt, ea vobis liceat, ut est apud Meca-
tem, [67] temporis quasi momento, nulla dif-
ficultate percipere. Vobis ergo consilio, nec fi-
nite hæc discendi opportunitatem prætervchi,
ne postmodum frustra poteritis, eam neglexis-
se, ne vobis etiam probro, ac dederim fatentem
sit.

(66) *de Pind. l. de p. Epico 2. Adde Pind. lib. II. vers. 20.*

(67) *Ad Lucanum.*

fit quod Atheniensibus obſidebat oſim Demosthenes, [68] occasiones, & commoda oblata esse plurima, quod vero amissum fuit, id negligentiae vestrae pure tribuendum, ne denique unde sapientiam habere debetis, insipientiae culpam contrahatis. Et sane quum saepe homines in ea senectute sint, ut quo majores sibi parva sunt commoda, eo majorem quiescendi occasionem nactos esse arbitrentur, aeque adeo, quemadmodum apud Tacitum legitur, (69) in-
visa primo desidia, postremo amatur, adhibenda ideo ea cautio est, ne ad sapientiam & gloriam adsequendam satis existimetur esse auditionem non intermissam, neque huic adjungi oportere optimum Auctorem lectionem, & diu meditandi, & commentandi, & differendi laborem. Est ea bonarum artium conditio, ut quibus rationibus innotescat, ac traditae sunt, ipsae facile retineantur, si rationum earum pigrescant, sensum debilitentur, infringantur, & periant. Assidua meditatione, summis laboribus, industria, solertia comparatae, & ad eam, in qua hodie summa cum dignitate, aeque praestantia

{ 68 } Olynth. 1.

{ 69 } *de vita Agricolae.*

stantia eminent, gradum addoctoris sunt discipli-
nae: qui eas alere non solum audita recollere,
sed multa solemni, providoque consilio legere, ob-
servare, meditari, commentari, discernere con-
sueverunt. Anne putas, Adolescentes optime,
ei, qui ingenio vellet divinas cogere, operam
operae, seu mones Hesiodus, (70) addendam
subinde esse, ei vero, qui multo praestantiores
doctrinae opes congerere, parvas tueri cupiat,
quam vitæ laborem aliquem in audiendo con-
sumpserit, si modo is labor dicendus est, igna-
vae quæti indulgendum? An committetur, ut
quæ sunt parva adjuncta vos tanquam Sire-
nam canes, & Circeis poculis delicias ad inter-
nam adducant? versiones a studio linguarum
avocent, præclara optimarum Facultatum in-
strumenta vobis fraudi sint, destruant animos
multitudo librorum, compendiosa studiorum
ratio a fontibus abducatur, Magistrorum doctrina
a domestico, & quotidiano studio prorsus aver-
tat? Providendum esse Jura clamant, ne inde in-
juriarum nascatur occasio, unde Jura nascuntur:
(71) Quod favores quorundam contritus est,
sulant

(70) De Opere, m. 380.

(71) L. accusatorum §. C. unde sr.

colunt ad laetiosam eorum inventum videri. (72)
 Vos ea, quae faciliorem rationem, quae tuto-
 rem, quae breviorcm viam, quae ampliores fa-
 pientiae copias, quae uberiores fructus pollicen-
 tes, vos in damnum, vos in perniciem vestram
 convertitis? Immo verò pro summo, quo inflam-
 mati estis, ardore discendi, vestrum erit hoc
 jam, tantisque subsidij non ad remittenda, sed
 ad intendenda studia moveri. Vestrum erit ex-
 vere, ac declinare, ne vos improvidos occulto
 quodam, & diabente sensim corpore occupet
 ignavia, ne vos percelligis decipiat, ne ingenij
 florem depascatur inconsulta securies. Vestrum
 estimare, plura a vobis, quos hoc praesidia,
 circumstant, quam a veteribus, qui alio desti-
 tutabantur, sapientiam ipsam, quasi plura sen-
 santem, exigere. Vestrum denique erit, quod
 faxit D. O. M. vos omni virtutum genere, &
 optimarum saecularum gloria florere.

